



**KEMENTERIAN PEMBANGUNAN
USAHAWAN DAN KOPERASI**
Ministry of Entrepreneur Development and Cooperatives

KENYATAAN MEDIA

KEMUDAHAN SEKTOR EKONOMI BAKAL SUNTIK NAFAS BAHARU BUAT PERUSAHAAN MIKRO, KECIL DAN SEDERHANA (PMKS)

Putrajaya, 15 Ogos 2021 – Kementerian Pembangunan Usahawan dan Koperasi (MEDAC) menyambut baik pengumuman oleh YAB Perdana Menteri berhubung kemudahan bagi sektor ekonomi.

Pengumuman ini merupakan langkah yang tepat bagi membantu usahawan termasuk Perusahaan Mikro, Kecil dan Sederhana (PMKS) membuka kembali perniagaan mereka secara berperingkat. Sekiranya tidak dimulakan sekarang, kesannya terutama terhadap pengusaha perniagaan dan pekerja-pekerja mereka akan semakin parah.

Menurut YB Dato Sri Haji Wan Junaidi Tuanku Jaafar, Menteri Pembangunan Usahawan dan Koperasi, “Kerajaan telah membuat penelitian dan pertimbangan sewajarnya bagi membolehkan sektor ekonomi beroperasi seperti sediakala. Nasib rakyat terutamanya golongan PMKS yang kehilangan sumber pendapatan merupakan intipati penting yang diambil kira sebelum keputusan ini dibuat”.

“MEDAC memang amat peka dengan masalah dan cabaran yang dihadapi oleh usahawan dalam sektor *non-essential* ini, yang mewakili hampir 90 peratus daripada sektor PKS di Malaysia. Jika kita tidak tolong kumpulan ini, ada kemungkinan empat (4) juta warga tempatan akan kehilangan pekerjaan”, tambah beliau.

Justeru PMKS yang tersenarai dalam perniagaan boleh beroperasi semula ini perlu memastikan pelanggan yang memasuki premis mereka, MESTI menunjukkan sijil digital vaksinasi COVID-19 (*digital certificate COVID-19 vaccination*) bagi membuktikan individu tersebut telah menerima vaksinasi lengkap.

Kemudahan terbaharu yang diumumkan oleh YAB Perdana Menteri akan terpakai ke atas semua fasa PPN dengan syarat, kadar vaksinasi lengkap populasi dewasa di negeri berkenaan mestilah telah mencapai sekurang-kurangnya 50% dan individu-individu yang ingin memanfaatkan kemudahan ini juga mestilah telah menerima vaksinasi lengkap

Dengan pengumuman ini diharapkan usahawan dapat meneruskan kelangsungan operasi perniagaan mereka dalam tempoh yang sukar ini.

DATO SRI DR. HAJI WAN JUNAIDI TUANKU JAAFAR